

“Бизнес онлайн” кредит маҳсулотидан фойдаланиш бўйича ОММАВИЙ ОФЕРТА ШАРТНОМАСИ

“Гарант банк” акциядорлик жамияти (бундан буён матнда **“Банк”** деб юритилади) тадбиркорлик субъектига (бундан буён матнда **“Қарз олувчи”** деб юритилади) мазкур шартномани оммавий оферта шартларида тузишни таклиф қилади.

1. Шартнома предмети

1.1. Банк Қарз олувчига мазкур шартномада кўрсатиб ўтилган миқдорда ва шартлар асосида кредит бериш мажбуриятини, Қарздор эса ўз навбатида олинган кредитни белгиланган муддатда қайтариш ва кредитдан фойдаланганлиги учун фоизлар тўлаш мажбуриятини олади.

2. Асосий тушунчалар

1.2. Ушбу шартномада куйидаги тушунчалардан фойдаланилади:

“Business online” кредити (бундан буён матнда “кредит” деб юритилади) – сўнги 6 ойда узлуксиз савдо тушумига эга бўлган якка тартибдаги тадбиркорлар ва юридик шахс мақомига эга тадбиркорлик субъектларига “Mobile banking” иловаси ва “Internet banking” орқали 12 ой муддатгача, онлайн скоринг таҳлили ва кредит қайтмаслик хатари бўйича суғурта полиси таъминоти асосида айланма маблағларни тўлдириш учун қарз олувчининг асосий ҳисобварағига ўтказиб бериладиган кредит туридир;

Онлайн скоринг таҳлили – қарз олувчининг узлуксиз охириги 6 ой давомидаги савдо тушуми тегишли ҳисобрақамиларига кирим бўлган маблағлар онлайн таҳлил қилинади ва қарз олувчига кредит олиши мумкин бўлган миқдорни аниқлаб бериш (*охириги 6 ойдаги ҳар ойлик тушум миқдори ўртача ойлик тушумнинг 20% дан кам бўлмаслиги лозим*) учун амалга ошириладиган таҳлил;

Кредит мақсади – айланма маблағларни тўлдириш мақсадида қарз олувчи ҳисобварағига ўтказилади;

Фоизларни тўлаш санаси – ҳар ойнинг бешинчи санасида Қарз олувчи томонидан ушбу шартнома бўйича барча ўз мажбуриятларини тўлиқ бажарилгунига қадар.

Асосий қарзни тўлаш санаси – имтиёзли давр тугаганидан кейин (агар имтиёзли давр бўлса) ҳар ойнинг бешинчи санасида.

Молиялаштиришни очиш санаси – кредитнинг ёки унинг бир қисмининг ажратиш санаси (кредит бўйича).

Кредит қарздорлиги (Асосий қарз) – Қарз олувчи томонидан фойдаланилган, аммо уни қайтариб бермаган ва тўланмаган Кредит ёки унинг бир қисми.

Кредит – Банк томонидан Қарз олувчига ушбу шартномада кўзда тутилган шартлар билан тақдим этиладиган маблағларнинг умумий қиймати.

Кредитор/Банк – “Гарант банк” АЖ Амалиёт бошқармаси/БХОлари

Кредит бўйича фоиз ставкаси – муддатли кредит қарздорлик учун йиллик 28 (йигирма саккиз) фоизни ташкил этади (кредит қолдиғига ҳисобланади).

Кредит муддати – мазкур шартнома электрон тарзда тасдиқланган санадан бошлаб 12 ой.



Кредит таъминоти – кредит қайтмаслик хатари бўйича суғурта полиси (*суғурта полиси учун тўловлар кредит маблағлари ҳисобидан амалга оширилади*);

Асосий қарзни тўлаш бўйича имтиёзли давр – мазкур шартномаси белгиланган тартибда тасдиқлангандан санадан бошлаб 1 ой.

Фоизларни ҳисоблаш даври – фоизларни ҳисоблаш кредит ажратилган санадан бошланади ва Қарз олувчи томонидан қарз тўлиқ тўланмагунча, кейинги фоизларни тўлаш санасида (шу санадан ташқари) тугайди.

Асосий қарзни тўлашнинг охириги санаси – бу кредит муддатидан кечикмай белгиланган, асосий қарзни тўлашнинг охириги санасини билдиради.

Асосий қарзни қайтариш даври – имтиёзли давр тугаганидан сўнг ҳар бир фоизларни тўлаш санасида биринчи кредит тўловини қайтариш санасидан бошлаб 11 ойдан кўп бўлмаган муддат.

Фоизларни тўлаш муддати – кредит асосий қарзини тўлашнинг ҳар бир санасида ва кредит асосий қарзининг охириги қисмини тўлаш пайтигача бўлган муддат.

Учинчи томон – ушбу шартнома томони бўлмаган ҳар қандай юридик ёки жисмоний шахс.

Банк иш куни – қонунчилик ҳужжатлари билан белгиланган кун ичида ўрнатилган иш вақти.

2.2. Ушбу шартномада, агар контекст бўйича бошқача талаб қилинмаса, бирлик маъносини билдирувчи сўзлар кўплик сонини ва аксинчани англатади.

3. Кредит ажратиш шартлари

3.1. Кредит маблағлари онлайн скоринг асосида банкнинг “Mobile banking” иловаси ва/ёки “Internet banking” орқали Қарз олувчининг ҳисобварағига пул кўчириш орқали ажратилади.

3.2. Қарз олувчи ушбу Шартнома шартларига кўра кредит олиш учун барча талабларни бажаргандан сўнг, шунингдек кредит таъминоти сифатида суғурта тўловларини амалга оширгандан сўнг кредит бўйича маблағ олиш ҳуқуқига эга бўлади.

3.3. Қарз олувчи томонидан ушбу Шартнома бўйича мажбуриятлар тегишлича бажарилишини таъминлаш мақсадида, Ўзбекистон Республикаси Фуқаролик кодексининг 783-моддасига мувофиқ, Банкка қарзни сўндириш бўйича Қарз олувчининг барча банклардаги ҳар қандай ҳисобварақларидан ҳар қандай валютадаги пул маблағларини акцептсиз чиқариб олиш ҳуқуқини беради.

3.4. Кредитдан фойдаланиш муддати – ушбу Шартнома имзоланган санадан бошлаб 1 ой.

3.5. Қарз олувчи кредитни қайтариш жадвалига мувофиқ ҳар ойнинг 5-санасидан кечиктирмай ойлик кредит тўловларини амалга оширади.

Бунда кредит асосий қарзи кредит муддатидан имтиёзли даврни чегирган ҳолда кредитнинг муддатига мутаносиб равишда тенг миқдорларда тақсимланади.

Қарз олувчи томонидан кредит маблағлари имтиёзли давр оралиғида тўлиқ ўзлаштириши шарт. Ўз вақтида ўзлаштирилмаган кредит маблағлари ажратиб берилмайди.

3.6. Муддати ўтган қарздорлик учун кредит фоизи ўрнатилган фоиз ставкасидан **1,5 баробар** оширилиб ҳисобланади.

3.7. Фоизлар суммаси Қарз олувчининг кредит бўйича амалдаги қарздорлигидан келиб чиққан ҳолда, кредитдан фойдаланиш даврининг амалда ўтган кунлар сонини



йиллик базавий даврга (365 кунга) бўлиш асосида ҳисоб-китоб қилинади. Кредит учун ҳисобланган фоизлар тўлови миллий валютада, молиялаштириш очилган санадан бошлаб, ойига бир марта, ҳар ойнинг 5 кунда амалга оширилади. Фоизлар бўйича охириги тўлов кредит қайтарилишининг якуний санасида амалга оширилади.

Кредит бўйича асосий қарзни тўлаш Қарз олувчи томонидан миллий валютада амалга оширилади. Шу билан бирга, Қарз олувчи Ўзбекистон Республикаси валюта биржасида миллий валютани конвертация қилинган кундаги тегишли курс бўйича АҚШ долларига конвертация қилиш йўли билан асосий қарзнинг траншларини тўлаш ҳуқуқига эга. Барча конвертация мажбуриятлари ва валюта харажатлари Қарз олувчи томонидан қопланади.

3.8. Қарз олувчи томонидан мазкур Шартноманинг имзоланиши (маъқулланиши) Банкка Шартнома бўйича мажбуриятлар тегишлича бажарилмаган тақдирда Қарз олувчининг барча банклардаги ҳар қандай ҳисобварақларидан ҳар қандай валютадаги пул маблағларини чиқариб олиш ҳуқуқини берувчи акцепт ҳисобланади.

3.9. Қарз олувчи томонидан ушбу шартнома бўйича амалга оширилган ҳар қандай тўловлар, бошқа мажбурий қоидалар мавжуд бўлмаган тақдирда ёки Банк бошқача қарор қабул қилмаса, Банк томонидан Қарз олувчининг мажбуриятларини бажариш учун қуйидаги кетма-кетликда юборилади:

- комиссиялар, жарималар, пенялар, муддати ўтган асосий қарздорликка ҳисобланган юқори фоизлар;

- кредит фоизлари бўйича муддати ўтган тўловлар;

- кредитнинг асосий қарзи бўйича муддати ўтган тўловлар;

- кредит фоизлари бўйича муддатли тўловлар;

- кредит асосий қарзи бўйича муддатли тўловлар.

Асосий қарз ва унга ҳисобланган фоизлар тўланганлик санаси деб маблағларни кўрсатилган ҳисобварақларга келиб тушган кун ҳисобланади.

3.10. Шартнома бўйича асосий қарз ва фоизларни бажариш санаси дам олиш кунига тўғри келса, тўлов ундан кейинги биринчи иш кунда амалга оширилади.

4. Томонларнинг ҳуқуқ ва мажбуриятлари

4.1. Банкнинг ҳуқуқлари:

4.1.1. Қарз олувчи томонидан ушбу Шартноманинг шартлари бузилганда Банк асосий қарз, ҳисобланган фоизлар ва кредит бўйича бошқа тўловлар бўйича бутун қарздорликни Қарз олувчининг исталган ҳисобварақларидан акцептсиз тартибда ҳисобдан чиқариш.

4.1.2. Қарз олувчидан ушбу Шартнома шартлари ва амалдаги қонунчилик талаблари асосида кредит таъминотини белгиланган муддат ва миқдорларда тақдим этилишини талаб қилиш.

4.1.3. Қарз олувчи томонидан мазкур Шартнома бўйича ўз мажбуриятларини бажармаслик ва/ёки лозим даражада бажармаслик ҳолатлари кузатилган тақдирда қуйидаги ҳаракатларни амалга ошириш:

Қарз олувчига мажбуриятларнинг бажарилмаслик ҳоллари бошланганлиги тўғрисидаги ёзма ҳамда электрон алоқа воситалари орқали талабномани уни бартараф этиш муддатларини кўрсатган ҳолда юбориш;



ушбу шартнома бўйича мажбуриятларнинг бажарилишини қўшимча равишда таъминланишини талаб қилиш;

Қарз олувчи томонидан ушбу Шартнома бўйича қабул қилинган мажбуриятларнинг бузилиши ёки лозим даражада бажарилмаганлиги, Қарз олувчи молиявий аҳволи ёмонлашган ҳамда кредитни қайтарувчи ҳар қандай омиллар пайдо бўлганда, қарздорлик (муддатли ва муддати ўтган асосий ва фоиз қарздорлик)ни тўлиқ ундириш тўғрисида тегишли судга даъво аризаси киритиш;

ундирувни белгиланган тартибда кредит таъминотига ва Қарз олувчининг бошқа мол-мулкига қаратиш;

Кредит таъминоти учун қабул қилинадиган суғурта полиси учун банк томонидан тўланган маблағларни, қарз олувчининг розилигисиз (акцептсиз), кредит маблағлари ҳисобидан қоплаш;

ушбу шартномага ва амалдаги қонун ҳужжатларига мувофиқ бошқа ҳуқуқлардан фойдаланиш.

4.2. Қарз олувчининг ҳуқуқлари:

4.2.1. Банк томонидан белгиланган барча жараёнлар амалга оширилгандан сўнг белгиланган миқдор ва муддатларда кредит ажратилишини талаб қилиш.

4.2.2. Кредитдан фойдаланиш ҳолати тўғрисида маълумот олиш;

4.2.3. Ушбу шартнома тузилган (маъқулланган) пайтдан бошлаб кредит маблағлари ажратилгунга қадар бўлган даврда ҳеч қандай тўловларни тўламасдан кредит олишни рад этиш;

4.2.4. Мазкур Шартнома бўйича кредит қарздорлигини муддатидан аввал тўлаш. Бунда тўлов кунига қадар кредит учун ҳисобланган фоизлар биринчи навбатда сўндирилади.

4.2.5. Кредит таъминоти сифатида қабул қилинадиган суғурта полиси учун тўловларни кредит маблағлари ҳисобидан амалга ошириш.

4.3. Банкнинг мажбуриятлари:

4.3.1. Қарз олувчига ушбу Шартномада назарда тутилган шартлар ва тартибда кредит бериш;

4.3.2. Қарз олувчига кредит бериш жараёнида иштирок этувчи ҳисобварақлар ҳаракати ва ҳисоб-китоблар, комиссиялар ва бошқа тўловларни ҳисоблаш бўйича кўчирмаларни тақдим этиш;

4.3.3. Қарз олувчи томонидан кредит тўлиқ қайтарилгандан сўнг, тегишли ссуда ҳисобварақларини ёпиш.

4.4. Қарз олувчининг мажбуриятлари:

4.4.1. Кредитни қайтариш тўлов графигига мувофиқ ҳар ойлик тўловларни амалга ошириш йўли билан кредит асосий қарзи ва унга ҳисобланган фоизларни белгиланган муддатларда тўлиқ миқдорда тўлаш.

4.4.2. Ушбу Шартнома шартлари ва амалдаги қонунчилик асосида суғурта полисини таъминот сифатида тақдим этиш.

4.4.3. Қарз олувчи банкнинг биринчи талаби бўйича банк томонидан амалга оширилган барча қўшимча ҳаражатларни ёки банк ушбу шартноманинг бажарилиши муносабати билан банк томонидан амалга ошириладиган ҳаражатларни қоплайди.

4.4.4. Ушбу Шартнома бўйича кредитдан фойдаланиш жараёнида кредитнинг муддатлилик, тўловлилик ва қайтаришлик тамойилларига қатъий риоя қилиш.



4.4.5. Қарз олувчининг ташкилий ҳуқуқий шакли, манзили, реквизитлари ва бошқа маълумотлар ўзгаргада, бу ҳақда Банкка 5 (беш) банк иш куни ичида хабар бериш ҳамда тегишли ҳужжатларни тақдим этиш.

4.4.6. Ушбу Шартноманинг амал қилиш даврида ҳамда томонлар ўз мажбуриятларини тўлиқ бажармагунларига қадар Қарз олувчининг хўжалик фаолиятига ва унинг кредитни қайтариш қобилиятига қандайдир тарзда салбий таъсир этиши мумкин бўлган хўжалик ва юридик операцияларнинг исталган турларини ҳамда Қарз олувчининг уставига зид бўлган операцияларни амалга оширмаслик, Қарз олувчи ўз фаолиятини тугатмаслик.

5. Мажбуриятларни бажармаслик ҳолатлари

5.1. Ушбу бандда қайд этилган ходисалардан исталгани мажбуриятларни бажармаслик ҳолати ҳисобланади:

Қарз олувчи томонидан кредит, фоизлар ва/ёки бошқа тўловларнинг ушбу шартнома ва тўловлар жадвали бўйича амалга оширмаганлик;

Қарз олувчи тўлов қобилиятининг ёмонлашиши ёки ушбу шартнома бўйича мажбуриятларнинг мунтазам равишда бажарилмаслигига олиб келадиган ахборотларни яширилиши;

ушбу шартнома шартларининг бузилиши;

ушбу шартнома билан боғлиқ бўлган бошқа шартномалар (гаров, суғурта ва бошқалар) шартларининг бузилиши.

6. Кредит таъминоти

6.1.1. Кредит бўйича таъминот сифатида қайтмаслик хатари бўйича суғурта полиси қабул қилинади:

6.2. Таъминотнинг умумий қиймати кредит қолдиғининг 125% дан паст бўлиши мумкин эмас.

7. Кредит қарздорлигини муддатидан олдин ундирувга қаратиш

7.1. Банк Қарз олувчидан кредит суммасини ва бошқа тегишли тўловларни муддатидан олдин зудлик билан тўлаб берилишини талаб қилиш ҳамда муддатидан олдин ундириш тўғрисидаги даъво-талаблари билан судга мурожаат қилиш ҳуқуқига эга бўлишига қуйидаги ҳолатлардан бири давом этаётгани асос бўлади:

а) Қарз олувчи кредит бўйича ўз қарзларини қайтариш қобилиятини йўқотиши ёки уларни тўлаш муддатида қайтармаслиги ва бу ҳолат тўлаш муддати бузилган вақтдан бошлаб 30 (ўттиз) календарь кун давом этса;

б) Қарз олувчи ушбу Кредит Шартномаси бўйича ва/ёки исталган бошқа келишув бўйича, шу жумладан, гаров, кафиллик шартномаси ва бошқа битимлар (шу жумладан, тўлов жадвали бўйича тўловни амалга ошириш) бўйича ўз мажбуриятларини бажармаётганлиги ва бу ҳолат Банк Қарз олувчига бажармаётганлик ҳолати ҳақида хабар бергандан сўнг 5 (беш) иш куни давом этса;

в) Қарз олувчининг (Кредит бўйича бўлган қарздорликдан ташқари) қандайдир қарздорлиги юзасидан ёки Қарз олувчининг белгиланган муддатда тўланмаган қандайдир қарздорлиги бўлган шартномага асосан белгиланган мажбуриятлар бажарилмаса;



г) Кредит бўйича таъминот ёки таъминотнинг бирон бир қисми ушбу Шартнома бўйича мажбуриятларга нисбатан ўзи кучини йўқотса;

д) давлат органлари Қарз олувчига тегишли мол-мулкнинг ёки бошқа активларнинг барчасини ёки бир қисмини, ёки Қарз олувчининг мол-мулкни ёки бошқа активларини, ёхуд Қарз олувчининг фаолиятини тугатиш учун исталган ҳаракатни амалга оширса;

е) Қарз олувчи ёки Қарз олувчига алоқадор бўлган учинчи шахсларга нисбатан даъво-талаблари ёки иш юритуви қўзғатилиши ва уларнинг натижасида Қарз олувчининг исталган мол-мулки унинг кредиторлари ўртасида тақсимланиши эҳтимоли мавжуд бўлса;

ж) Қарз олувчининг мол-мулки бошқа мажбуриятларга асосан ундирувга қаратилса ёки унга банд солинса.

8. Алоҳида шартлар

8.1. Банк ўз ихтиёрига кўра Қарз олувчига нисбатан ушбу шартнома бўйича ўзига тегишли бўлган ҳуқуқлардан исталганини қўллаши ёхуд қўлламаслиги мумкин.

8.2. Банк томонидан ушбу ҳуқуқларнинг қўлланмаслиги ёхуд қисман қўлланиши ушбу ҳуқуқлардан воз кечишни англатмайди ва улар келгусида исталган вақтда қўлланиши мумкин.

8.3. Ушбу Шартнома бўйича Қарз олувчи Банкка шахсга доир маълумотлар тўғрисидаги қонун ҳужжатларига мувофиқ мазкур Шартнома шартларини бажариш юзасидан ҳамда қонунчиликка зид келмайдиган бошқа мақсадларда ўзининг ёки унинг таъсисчилари ва ходимларининг ҳар қандай маълумотларига ишлов бериш ва фойдаланиш ҳуқуқини беради.

8.4. Банк мижознинг шахсий ва/ёки алоқа маълумотлари билан боғлиқ ҳар қандай маълумотларни автоматлаштириш воситаларидан фойдаланган ҳолда ёки фойдаланмасдан, шу жумладан йиғиш, тизимлаштириш, тўплаш, сақлаш, тушунтириш, фойдаланиш, тарқатиш (шу жумладан, Банк шерикларига ўтказиш), шахсийлаштириш, блокировка қилиш, йўқ қилиш ҳуқуқига эга ва мижоз рози бўлади. Ўзбекистон Республикасининг амалдаги қонунчилигида назарда тутилган. Мижоз Шартномани бажариш, шунингдек Шартномани бажариш билан бевосита ёки билвосита боғлиқ бўлган бошқа мақсадлар учун ушбу бандда кўрсатилган маълумотларни олувчининг пластик карточки эмитент-банкка тақдим этишга Банкка розилигини билдиради.

9. Томонларнинг жавобгарлиги

9.1. Томонларнинг ушбу шартномада кўзда тутилган мажбуриятларни бажаришдан бош тортиши ушбу шартнома шартлари ва Ўзбекистон Республикасининг амалдаги қонунчилигига мувофиқ жавобгарликка тортилади.

10. Форс-мажор ҳолатлари

10.1. Агар шартнома имзолангандан сўнг, тарафларнинг ихтиёрига боғлиқ бўлмаган ҳамда олдиндан кўра билиш ёки олдини олиб бўлмайдиган, фавқулодда вазиятлар оқибатидаги енгиб бўлмас куч туфайли тарафлар мазкур шартнома бўйича олган мажбуриятларини қисман ёки тўлиқ бажара олмасалар (форс-мажор), бунинг учун улар жавобгар бўлмайдилар. Бунда тарафларнинг ҳеч бири, ажратилган кредитни қайтариш бўйича мажбуриятдан ташқари, кўрилиши мумкин бўлган зарарларни қоплашни талаб қилишга ҳақли бўлмайди.



10.2. Қуйидагилар фавқулдда вазиятлар (форс-мажор) бўлиб ҳисобланади: сув тошқини, ёнғин, зилзила, портлаш, бўрон, ер кўчкиси, эпидемия ва бошқа табиат ҳодисалари, уруш ёки ҳарбий ҳаракатлар, фуқаролик тартибсизликлари, террорчилик ҳаракатлари.

10.3. Форс-мажор ҳолатлари юзага келганда мажбуриятлар бажариш муддати бундай ҳолатлар ва уларнинг оқибатлари давом этган вақтга мутаносиб равишда кечиктирилади.

10.4. Тарафлар форс-мажор ҳолатлари вужудга келганлиги ва тугаганлиги ҳақида 10 (ўн) кунлик муддатда ёзма равишда бир-бирларини хабардор қилишлари лозим.

10.5. Форс-мажор ҳолатига асосланаётган тараф, ваколатли давлат идорасининг бундай ҳолатларни вужудга келганлигини тасдиқловчи тегишли ҳужжатини тақдим этиши шарт.

11. Шартноманинг амал қилиш муддати

11.1. Ушбу Шартнома имзоланган (маъқулланган) кундан бошлаб кучга киради ва Қарз олувчи кредит ва унинг фоизларини тўлиқ тўлагунча ҳамда томонларнинг ўз зиммаларига олган мажбуриятлари бажарилгунга қадар амал қилади.

12. Коррупцияга қарши шартлар

12.1. Тарафлар ушбу шартнома бўйича ўз мажбуриятларини бажараётганда уларнинг ҳар бири ўз фаолиятида коррупцион ҳаракатларни тўлиқ таъқиқлаш ва ҳар қандай шаклда ёрдам (бевосита ёки билвосита), шу жумладан пул маблағлари, қимматбаҳо буюмлар, бошқа мол-мулк ёки мулкый характердаги хизматлар, бошқа мулкый ҳуқуқларни олиш/бериш, муайян масалаларни тезроқ ҳал қилишни таъминлаш, маъмурий ва бошқа тартиб-қоидаларни соддалаштириш, рақобат ва бошқа афзалликларни таъминлашни тўлиқ рад этади. Томонлар ўз фаолиятида амалдаги қонунчилик, шунингдек унинг асосида ишлаб чиқилган коррупцияга қарши курашишга қаратилган сиёсат ва тартиб (агар мавжуд бўлса) талабларига амал қиладилар.

12.2. Тарафлар ушбу шартнома бўйича ўз мажбуриятларини бажариш чоғида на ўзлари, на ижроия органи, на уларнинг масабдор шахлари ёки ходимлари бирон-бир шахсларга (жумладан, жисмоний шахслар, тижорат ташкилотлари ва давлат мансабдор шахслари) коррупцион тўловларни тақдим этишни таклиф қилмаслигини, тақдим этмаслигини, розилик бермаслигини, шунингдек ҳар қандай шахсдан (тўғридан тўғри ёки билвосита) ҳар қандай коррупцион тўловларни олишга ёки қабул қилишга рози бўлмасликларини кафолатлайди.

12.3. Мазкур бўлимнинг бирон бир шартлари бузилган тақдирда, тегишли тараф бошқа тарафни бундай бузилиш содир бўлган кундан бошлаб 5 (беш) иш куни ичида ёзма равишда хабардор қилиш мажбуриятини олади. Тараф ёзма хабарномада ушбу бўлимнинг қайси бир қоидалари бузилганлигини тасдиқловчи ишончли фактлар ва материалларни тақдим қилиши шарт.

Ёзма хабарномалар “Гарант банк” АЖнинг ишонч телефонлари орқали амалга оширилади.

12.4. Ушбу бўлим қоидалари тарафлардан бири томонидан бузилганлиги факти тасдиқланганда ва/ёки бошқа тарафнинг қоидабузарликлари кўриб чиқиш ҳақида хабарнома натижалари юзасидан маълумот тақдим қилмаган тақдирда, бошқа тараф шартномани бир тарафлама қисман ёки тўлиқ бекор қилишга ҳақли.



12.5. Мазкур шартномани коррупцияга қарши шартларга асосланиб бекор қилган тараф, бундай бекор қилиш натижасида етказилган ҳақиқий зарарни талаб қилишга ҳақли. Зарарларни қоплаш тарафлар томонидан ёзма равишда тасдиқланаган далолатномада белгиланган муддат ва миқдорда амалга оширилади.

13. Низоларни ҳал этиш

13.1. Ушбу шартномада назарда тутилмаган келишмовчиликлар ва/ёки низоли вазиятлар юзага келган ҳолларда томонлар, Ўзбекистон Республикасининг қонун ҳужжатларига амал қилган ҳолда, уларни музокаралар йўли билан ҳал қиладилар. Томонларнинг келишувига эришилмаган тақдирда низо Ўзбекистон Республикасининг қонун ҳужжатларига мувофиқ кўриб чиқиш учун суд органларига ўтказилади.

13.2. Низолар келишув йўли билан ҳал этилмаган тақдирда, ўз ҳуқуқлари бузилган деб ҳисоблаётган тараф бошқа тарафга талабнома юборади. Талабнома тақдим этилган тараф, талабнома олинган кундан бошлаб 10 кун ичида унга жавоб беришга мажбурдир. Низолар бўйича келишувга эришилмаган тақдирда низо Банк жойлашган жойдаги судда кўриб чиқилади.

14. Яқунловчи қоидалар

14.1. Қарз олувчи ушбу офертани қабул қилиш жараёнида, кредит ажратишнинг барча тартиб ва талаблари, шунингдек ушбу шартноманинг барча бандлари, белгиланган банк тарифлари билан танишганини тасдиқлайди ва маъқуллайди ҳамда ўзининг асосий мажбуриятлари сифатида қабул қилади.